

Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Družbicki, Kaspar

Ingolstadii, 1732

VD18 90066332

Exerc. 6. Quod per P. Parentem maximè Deus magnificetur.

urn:nbn:de:hbz:466:1-45396

320 Exerc. VI. Quòd per P. Parentem,

veoque; solus, unusque: sed omnium creaturarum impersonatione auctus, omnium earum vicem, officium, debitum, conatum, desiderium, voluntatisque affectum explendo, Etiam evincendo, evincereque, ac supergredi, adversum Te, intendendo: propter amorem tui, propter amorem Filii tui, Dei mei, Iesu Christi.

EXERCITIUM VI.

Quòd per P. Parentem, maximè Deus magnificetur.

1. STatue te coram pretiosissimâ Dei Parente & Virgine Maria.

2. Expende: quòd in Maria, & ex Maria elucescat maximè Divina Magnitudo, Perfectio, Plenitudo: quodque ab eâ, plus quam ab omnibus reliquis creaturis simul sumptis magnificetur.

3. Qua de causa P. Parens, cùm esset præ omnibus humillima; etiam præ omnibus hunc titulum usurpavit: & hanc sibi occupationem potissimum semper adscivit: ut sepe quidem semper, quam intimissimè exinaniret, ac infrâ omnibus creaturas, imò & propè infrâ ipsum nihil humiliaret: Deum autem suum, quam viscerosissimè magnificaret: hoc est, magnum non solum ostenderet, verùm etiam conatu suo redderet, plus, quam omnes simul collectæ creature, etiam possibles hoc faciunt, aut facere possunt.

4. Quia enim, ad hoc unicum omnes à Deo creature conditæ sunt, ut per eas magnalia Dei, hoc est, magnitudo ejus, & perfectiones ejus, cognoscantur.

cognoscerentur, juxta illud Psalmi; *Celi enarrant gloriam Dei, & opera manuum ejus annuntiat firmamentum*, quod ipsum affirmari potest, imò debet, de omnibus reliquis creaturis, tanquam & ipsis gloriam Dei enarrantibus, sicut univer-
saliter dixit Apostolus: *Invisibilia Dei à creaturâ Rom. 1.21 mundi, per ea, quæ facta sunt, intellecta conspiciuntur: sempiterna quoque ejus virtus, & Divinitas:* inde necessariò sequitur, ut quantò aliqua est creatura nobilior, atque perfectior, tantò plus in eâ magnitudinis & excellentiæ Divinæ eluceat, & ex ea cognoscatur: quomodo plus cognoscitur Magnificentia Dei ex Homine, quam ex lapi-
de: ex Angelo plus quam ex Homine; ex An-
gelo superiore quam ex Angelo inferiore: quia ex perfectiori effectu aut opere, perfectius cau-
sa, seu artifex cognoscitur.

5. Et quia constat, ex omnibus puris creatu-
ris, nullam à Deo esse conditam perfectiorem,
& omni donorum genere sublimius ornatiorem,
quam Dei Matrem Mariam: inde quoque con-
flare debet, plus in unâ, & ex unâ Maria, Dei es-
tentiam, dignitatem, perfectionem, omnesque
alias magnitudines elucescere, ampliusque ex
illâ unâ ac solâ cognosci, quam ex omnibus, et
iam simul collectis creaturis.

6. Si particulatim considerare lubet; in Deo
nostro, maximè magna est Trinitas Personarum
in unitate essentiæ, deinde Sapientia, Potentia,
Charitas, Misericordia, Bonitas, & Justitia: at-
qui indubium est, neque in ullâ particulari crea-
turâ, neque in omnibus simul, hæc supra dicta Dei
bona, plus elucescere, neque per ullam manife-
stari, quam in unâ, & ex unâ solâ Dei Matre, ac
V.P. Druz. Op. V. X Vir-

322 Exerc. VI. Quòd per P. Parentem

Virgine Maria: Igitur evidens est, à solá Mari excellentiùs Deum magnificari, & ex solius Mariæ cognitione ampliùs magnitudinem Dei cognosci, quām ex ulla etiam simul omnibus creaturis.

7. Advertere autem & expendere licet: cogitari posse, dupliciter magnificationem Dei posse fieri. Primo quidem in se, hoc est in ipso Deo, ita ut Deus, vel in suâ Essentiâ, ac Entitate, vel in suâ aliquâ perfectione major fiat, quam fuit. Ethic modus, Deum, ipso se, magnificandi; absurdus est etiam cogitatu. Absurdum est enim Deum in seipso, quounque modo maiorem fieri posse, non tantum à creaturis, sed etiam à semetipso. Cùm Deus, quidquid est, ab æterno sit: actus purus, omnis expers potentialitatis, possibilitatis, mutationis, augmenti, imminutionis: utpote ens à se, illimitatum in essentiâ, & entitate, & quâcunque perfectione. Quâ de re, sicut nullum dubium esse debet, neque pluribus agere opus est.

8. Est alius magnificandi Deum modus, in nobis nimirum, seu in creaturis, à creaturis, coram creaturis. Hoc modo, Deus magnificatur in nobis, & à nobis, seu per nos, non tantum potest, sed etiam debet: in eoque labore omnis nostra salus, perfectio, & beatitudo, sita est: ut omni vitæ & actionis nostræ cujusque momento, expleamus illud Davidicum: *Et exaltebitur Deus salutis meæ: itemque illud ejusdem; Magnificate Dominum tecum, & exaltebitus nomen ejus in idipsum.*

9. Iste magnificandi Deum modus, in nobis vel à nobis, sive fiat à Deo, sive fiat à nobis, unus & idem

Pf. 17. 47.

Pf. 33. 4.

& idem est: quia quidquid nos in hoc genere,
vel opere facimus, ex Deo, & ex ejus munere
facimus: unde necesse est, ut in unum idemque
recidat, sive à se Deus, sive à nobis Deus, magni-
ficetur in nobis.

10. Hoc porrò trifariam fieri, & potest, &
debet, & solet. 1. Quando Deus amplius &
amplius cognoscitur, ex, aut in aliquâ creaturâ,
operevè creaturæ, seu opere creatoris per crea-
turam, aut in creaturâ. 2. Quando creatura ra-
tionalis, v.g. Homo, in suâ Animâ facit Deum
majorem, & majorem, id est, quando Animam
suam reddit Deo magis ac magis similem; perfe-
ctiusque, ac perfectius facit in eâ eluceescere Dei,
perfectionumque, ac Virtutum, & Sanctitatis
eius imaginem. 3. Quando Creatura in aliis,
quoque Creaturis (capacibus, seu rationalibus)
Deum, ejusque notitiam, ac sanctitatis, perfe-
ctionisque similitudinem, labore suo, cum auxi-
lio divino, facit amplius, & amplius, perfectius-
que, ac perfectius florere, crescere, exundare:
cognitione, dilectione, gratiarum actione, præ-
dicatione, denique Sanctissimæ Dei voluntatis
per omnia executione, atque imitatione.

11. Hic magnificandi Deum modus in solâ
unâque Dei Matre Maria plus enituit, plus ab eâ
solâ, unâque exercitus est, & exercetur perenni-
ter, plus quoque per illam solam, & unam, à Deo
exercitus est, quam per ullam, quam per omnem
simul collectim sumptam creaturam. Plus enim
in illâ solâ perfectionum, quia & entitatis suæ re-
posuit, per illamque nobis manifestavit, quam in
ulla, quam per ullam creaturam; prout supra
dictum est. Plus etiam illa sola divinæ in se

Sanctitatis, & Gratiæ, Virtutum, ac Perfectio-
num, in suam Animam collegit, congesitque,
nobilisque, ac perfectius Imaginem Dei, in suā
Animā resplendere fecit, quām ullæ etiam simul
omnes creaturæ. Propter quod illi justissime

Prov. 31. 29. dicitur : *Multa filiæ congregaverunt divitias, sed
tu supergressa es universas.* Plus etiam una ac
sola Maria, circa augmentandam in Angelis, &
(maximè) Hominibus, Dei gloriam, cognitio-
nem, dilectionem, fruitionem, ac possessionem,
laboris, & operæ, charitatis, & curæ orationum
& meritorum, substantiæ denique contulit, &
confert; quām ullæ, simulque omnes creaturæ
quare illa meritò dicit. *Magnificat Anima mea
Dominum.*

12. Ergo magnitudo Dei, glorificatioque, &
exaltatio illius, relucet in Maria plenissime: tum
quia fecit se ex illa, & ex ejus substantiâ, quifecit
illam: & novem mensibus requievit in taberna-
culo uteri ejus: tum quia illa fuit omnibus mo-
marumque perfectionum ejus: ita ut eā solā co-
gnitâ, amplius perfectiusque cognoscatur Deus,
quām cognitis omnibus reliquis creaturis: tum
quia sola Maria ad operationem, executionem-
que salutis humanæ, ad Beatificationem quoque
omnis rationalis creaturæ, ad conversionem, &
reconciliationem cum Deo peccatorum, adju-
stificationem electorum, ad solatium & elibera-
tionem ex purgatorio Animarum, ad Dei à Crea-
turâ suâ beatificam possessionem, atque glorifi-
cationem, plus contulit, & confert jugiter, quām
ullæ Creaturæ: tum denique, quia dum nos,
vel amamus, exaltamusque Mariam, vel pro eā,

in eāque
illam à I
ribus, a
nitati c
virtutem
imitand
venerati
in alios
quiis, c
Filiū i
habemu
jestati, c
minet, a
lam, per
stris, ex
ternis c
dum inc
obsequi
magnifi
erga qu
electos,
13.
amore
plus qu
versis an
ita & nc
& solâ i
Amore
ficamus
ctorum
Sicut M
Deum l
Deum,
propt

in eaque Deum exaltamus, vel pro collatis in illam à Deo ineffabilibus, soloque Deo inferioribus, ac solâ Dei Matre dignis, Deique maternitati congruis gratiis, Deo gratias agimus: vel virtutem ejus quamcunque amando imitamur, imitandove amamus: vel gloriam ejus, cultum, venerationem, amorem, notitiam, imitationem. in alios propagamus, vel ejus laboribus, obsequiis, compassionibus, cæterisque erga suum Filium in hâc vitâ obitis ministeriis, honorem habemus: vel gloriæ ipsius, potestatique, ac majestati, quâ super omnes in cælo, & terrâ, præminet, adgaudemus, & applaudimus: vel ad illam, perque illam, ad Deum, in necessitatibus nostris, externis, internisvè, temporalibus, aut æternis configimus, opemque ejus exposcimus: dum inquam hæc erga Mariam, unam, & solam, obsequia peragimus; plus Deum exaltamus, & magnificamus: quam cum simulibus officiis, erga quoscunque alias, aut erga omnes simul electos, proximosvè nostros defungimur.

13. Sicut Maria amando Deum, sola, & una, amore suo Deum exaltavit magnificavitque, plus quam omnes reliquæ creaturæ simul, universis amoribus suis, Deum & amant, & exaltant; ita & nos, si solam, & unam Mariam, inque unâ, & solâ Maria, DEUM amamus; plus hoc solo Amore solius Mariæ, Deum diligimus, & magnificamus; quam si eundem omnium simul sanctorum, creaturarumvè amoribus amemus. Sicut Maria, suâ unius erga Deum, ac propter Deum humilitate, plus extulit, magnificavitque Deum, quam creaturæ omnes, omnibus suis propter Deum, & coram DEO humilitatibus:

X 3

ita

ita nos humilitatem solius Mariæ amando, & imitando, illamque Deo propter Mariam, & per Mariam exhibendo, amplius Deum exaltamus, magnificamusque: & cor tam ejus, quam Matris ejus exhibitione talis humilitatis exhilaramus: quia si omnium reliquarum creaturarum humilitatem amaremus, æmularemur, Deoque exhiberemus. Atque idem esto judicium de reliquarum Mariae virtutum, & in se, & erga Deum amplitudine, & à nobis amore, & æmulatione, divinoque gaudiu exhibitione.

14. Ex his satis ediscere possumus: quantum Deo pro Maria, unâ licet, solaque debemus: quantum in ejus unius, soliusque cognitione, amore, imitatione, occupari, proficere, conquescere debemus: quantum ejus unius soliusque laudibus incumbere, in agendas gratias effundi; quantum illam, & propter ejus coram Deo excellentiam, & propter Dei per seipsum & ab ipsâ magnificationem, amare, exultare, gratulari, complacere, complectique, merito tenemur: quantum denique in illa; spei, fiduciae, securitatisque nostræ, post Filium ejus Deum, collocare, & inconcussè tenere debemus.

P R A X I S.

O Magnificatrix, & ipsissima Magnificentia DEI MARIA: cuius magnificatione, sive quia ille te, sive quia tu illum, sive quia te in illo nos, sive quia in te nos ipsum magnificamus, plus, & amplius, & dignius, ille magnificetur, quam magnificatione quacunque quarumcunque reliquarum creaturarum, Gratulor, gratulor, gratulor tibi, toto me, totam istam Dei in te, tuam in Deo magnificationem, atque magnifi-

magnifice
per Te, si
peto: ut
adimplea
tatione,
instar Tu
te, quos
mei, sing
gaudebu
Dei, m
ficiem te,
rarum.
gnificatio
tu Deum
gnificem
fima Tri
cissim Sa
gnificas,
Magnifici

E
Quod L
total

I. STA
M
2. H
Mariam
etiam c
Virgine
I. C
gratia
simul c

magnificentiam. Desidero, simulque à Te, & à Deo per Te, submississime, reverentissime, & anhelotissime peto: ut me quam perfectissimā Tui, & per Te Dei, adimpleas cognitione, dilectione, estimatione, exaltatione, imitatione, fruitione. Da mihi: ut ad instar Tui, ego etiam (cum omnibus his quos ego in te, quos tu in me, qui me ratione tui, qui Te ratione mei, singulariter appretiare gaudent, aut unquam gaudebunt) semper, ubique, toto me; siam tua, siam Dei, magnificatio atque magnificentia. Magnificem te, & Deum, magnificatione omnium Creaturarum. Magnificem te, & Deum, Filium tuum magnificatione quā te Deus Filius ut Matrem, & quā tu Deum Filium tuum, ut Mater magnificas. Magnificem te, & Deum, magnificatione quā te Santissima Trinitas unus Deus magnificat: & qua tu vi- cissim Santissimam Trinitatem, unum Deum, magnificas, ut semper tuo spiritu, tibi, & tecum cantem; Magnificat Anima mea Dominum.

EXERCITIUM VII.

Quod Deus plus amet solam Mariam, quam totam Ecclesiam, rerumque universitatem, seclusā MĀRIA.

1. Statue te coram pretiosissimā Parente MĀRIA.

2. Expende: plus à Deo solam, unamque Mariam diligi, quam totam vel Ecclesiam, vel etiam creaturam, seclusā ex ejus numero ipsā Virgine Matre Maria.

1. Quia majori eam donavit, ornavitque gratiæ sanctificantis abundantiam, quam omnes simul collectos Angelos, atque homines. Crea-

X 4 turæ